

gustav / January 24, 2013 06:59PM

[於諸攀緣及一切事，皆生樂受不生苦受 ... 《大寶積經卷第六十八》](#)

◎於諸攀緣及一切事，皆生樂受不生苦受。

◎

世尊觀受不可得 以受無有體性故
 亦復觀察於受者 畢竟無其真實性
 又復觀彼修念者 究竟亦復不可得
 我等如是知佛性 今得供養天人師

~ 《大寶積經卷第六十八》，北齊三藏那連提耶舍譯。([CBETA全文](#))

T11n0310_p0387b03(00) 遍淨天授記品第二十一
 T11n0310_p0387b04(00) 爾時十二那由他遍淨諸天等。
 T11n0310_p0387b05(05) 見諸阿修羅伽樓羅。乃至光音天等。供養如來。聞授記已。
 T11n0310_p0387b06(00) 欣喜踊躍皆得稱心。自現威力。
 T11n0310_p0387b07(05) 而白佛言世尊。有三昧名超過一切法。
 T11n0310_p0387b08(07) 菩薩摩訶薩得是三昧已。於諸攀緣及一切事。
 T11n0310_p0387b09(06) 皆生樂受不生苦受。假使於其地獄事中。
 T11n0310_p0387b10(07) 受諸苦惱皆生樂想。或復於其畜生道中。受畜生報亦生樂想。
 T11n0310_p0387b11(00) 或復餓鬼道中。受飢餓苦亦生樂想。
 T11n0310_p0387b12(03) 或復於彼阿修羅道中亦生樂想。
 T11n0310_p0387b13(07) 或復人中所受諸苦。亦起樂想不生苦想。
 T11n0310_p0387b14(08) 假使截手及以截足割耳割鼻。或復鞭打杖刺入身。
 T11n0310_p0387b15(05) 或復牢獄繫閉。或復倒懸。或復裁割猶如衣帛。
 T11n0310_p0387b16(04) 或復裹繫及以束縛。或復切脰。或復鎚搗猶如甘蔗。
 T11n0310_p0387b17(01) 或復蹉[跳-兆+翕]破如蘆葦。或復火燒如酥油炷。
 T11n0310_p0387b18(01) 或復然身喻若明炬。或與師子虎狼為食。
 T11n0310_p0387b19(02) 或復醢醢及以辛汁澆灌口鼻。
 T11n0310_p0387b20(07) 或復蒸煮及以火炙。或與狂象踐踏其身。或復挑目。
 T11n0310_p0387b21(04) 或以鉾槩穿刺高舉。假使瞋怒來截其首。
 T11n0310_p0387b22(05) 如是一切悉生樂想。何以故。
 T11n0310_p0387b23(11) 由彼菩薩於其長夜修菩薩行時發如是願。若有眾生施我食者。
 T11n0310_p0387b24(03) 願彼一切得涅槃樂。
 T11n0310_p0387b25(12) 若有與我洗浴身體禮拜奉迎尊重供養。若有眾生罵辱於我。
 T11n0310_p0387b26(04) 復有人人讚歎於我。若有眾生鞭打斫刺奪我身命。
 T11n0310_p0387b27(01) 願彼一切得涅槃樂。乃至覺寤無上菩提。
 T11n0310_p0387b28(01) 彼菩薩成就如是心。具足如是業。
 T11n0310_p0387b29(05) 亦復具足如是願。於一切眾生皆起樂想。
 T11n0310_p0387c01(06) 常能修集無間不斷。以是業報故。得一切法樂善取三昧。
 T11n0310_p0387c02(00) 彼菩薩得此三昧時不為眾魔之所動壞。
 T11n0310_p0387c03(01) 亦不為魔事之所繫縛。
 T11n0310_p0387c04(09) 當知是菩薩得五種自在。何等為五。一者壽命自在。二者生自在。
 T11n0310_p0387c05(00) 三者業自在。四者覺觀自在。
 T11n0310_p0387c06(06) 五者眾具果報自在。彼菩薩摩訶薩。
 T11n0310_p0387c07(09) 若欲過一生證阿耨多羅三藐三菩提者。以彼三昧力故即便能得。
 T11n0310_p0387c08(00) 若不樂速證無上菩提。
 T11n0310_p0387c09(08) 能住無量阿僧祇劫度脫眾生。何以故。當知彼菩薩住於大乘。
 T11n0310_p0387c10(01) 與諸菩薩常為導師。攝受一切諸餘菩薩。
 T11n0310_p0387c11(02) 是大菩薩厭離諸趣為眾生故。
 T11n0310_p0387c12(07) 亦復生於一切趣中。究竟一切菩薩所學。
 T11n0310_p0387c13(08) 為般若波羅蜜之所攝受。具足一切巧方便力。
 T11n0310_p0387c14(07) 知諸魔業得法究竟。彼諸菩薩承佛威神。於一切法皆得盡知。

T11n0310_p0387c15(00) 爾時遍淨諸天。即以偈頌。讚世尊曰。
 T11n0310_p0387c16(00) 我等一切遍淨天 於諸佛法皆盡知
 T11n0310_p0387c17(00) 頭面歸敬天人師 諸根寂靜知寂滅
 T11n0310_p0387c18(00) 解了諸義智所供 已度生死牟尼尊
 T11n0310_p0387c19(00) 我今讚歎大導師 能善導他非他導
 T11n0310_p0387c20(00) 諸法性相非究竟 亦復無有依住處
 T11n0310_p0387c21(00) 如來善知妄想事 猶如幻師知幻術
 T11n0310_p0387c22(00) 智人解了語言音 喻若深谷諸響聲
 T11n0310_p0387c23(00) 世尊如是善知見 一切世間天人等
 T11n0310_p0387c24(00) 無有眾生及以命 亦復無人無壽者
 T11n0310_p0387c25(00) 大智觀察一切想 了達眾想悉歸空
 T11n0310_p0387c26(00) 二足世尊慈無等 恒常行慈不暫捨
 T11n0310_p0387c27(00) 一切世間諸天人 不能測知如來智
 T11n0310_p0387c28(00) 導師演說緣眾生 所謂慈心是善修
 T11n0310_p0387c29(00) 了知一切諸眾生 無有眾生及命者
 T11n0310_p0388a01(00) 我等於此無垢濁 其心清淨離疑惑
 T11n0310_p0388a02(00) 是故於佛勝智慧 應受供者令供養
 T11n0310_p0388a03(00) 於其十方世界中 求苦畢竟不可得
 T11n0310_p0388a04(00) 如來無上天中天 說於眾生起慈心
 T11n0310_p0388a05(00) 斯即是其世尊教 我今得解亦如佛
 T11n0310_p0388a06(00) 是故我於世間解 今得供養應供者
 T11n0310_p0388a07(00) 既無眾生亦無苦 是故無有可救度
 T11n0310_p0388a08(00) 已得遣除心憂悶 便獲欣喜大踊悅
 T11n0310_p0388a09(00) 如是佛教不思議 我等已得如實知
 T11n0310_p0388a10(00) 是故我今供養佛 願得如來無上智
 T11n0310_p0388a11(00) 佛於諸趣不見苦 涅槃亦復不可得
 T11n0310_p0388a12(00) 增上棄捨於生死 以此饒益諸世間
 T11n0310_p0388a13(00) 無苦無趣無眾生 亦無涅槃而可依
 T11n0310_p0388a14(00) 如是得知佛法已 是故我等今供養
 T11n0310_p0388a15(00) 佛具慈悲及喜捨 轉為世間常演說
 T11n0310_p0388a16(00) 而復不見有眾生 得住於四無量心
 T11n0310_p0388a17(00) 不見有其放逸者 亦復不見不放逸
 T11n0310_p0388a18(00) 如是知佛教法已 我今供養大導師
 T11n0310_p0388a19(00) 於身離身無上士 觀身畢竟不可得
 T11n0310_p0388a20(00) 雖然亦非不有說 而說有念失念者
 T11n0310_p0388a21(00) 善逝常說修學念 所謂觀身正念處
 T11n0310_p0388a22(00) 我等如是知佛法 今得供養救度者
 T11n0310_p0388a23(00) 世尊觀受不可得 以受無有體性故
 T11n0310_p0388a24(00) 亦復觀察於受者 畢竟無其真實性
 T11n0310_p0388a25(00) 又復觀彼修念者 究竟亦復不可得
 T11n0310_p0388a26(00) 我等如是知佛性 今得供養天人師
 T11n0310_p0388a27(00) 觀心及以心數法 畢竟無體不可得
 T11n0310_p0388a28(00) 亦復不見有修念 及以正住念處者
 T11n0310_p0388a29(00) 佛說念與心和合 樂求解脫應修學
 T11n0310_p0388b01(00) 我等如是知佛教 今得供養正遍知
 T11n0310_p0388b02(00) 如來不見有諸法 亦復不見修法者
 T11n0310_p0388b03(00) 大聖所說修習念 彼念亦復性自空
 T11n0310_p0388b04(00) 復說念與法和合 欲求解脫應當修
 T11n0310_p0388b05(00) 我等如是知佛法 今得供養一切智
 T11n0310_p0388b06(00) 念處一尚不可得 何況而復有三四
 T11n0310_p0388b07(00) 所謂於彼念住處 彼諸念處皆悉無
 T11n0310_p0388b08(00) 是故真求不可得 畢竟無受苦樂者
 T11n0310_p0388b09(00) 我等如是知聖教 今得供養佛世尊
 T11n0310_p0388b10(00) 牟尼所說四正勤 若有比丘專修習
 T11n0310_p0388b11(00) 斯即能為解脫路 當得出於生死海

T11n0310_p0388b12(00) 而無解脫無縛者 無佛無教及菩提
 T11n0310_p0388b13(00) 然復不壞假名用 是故我今供大聖
 T11n0310_p0388b14(00) 佛說四種如意足 勝妙安隱解脫道
 T11n0310_p0388b15(00) 寂靜諸根眾生輩 修行此道得涅槃
 T11n0310_p0388b16(00) 如意及足修行者 真實觀察不可得
 T11n0310_p0388b17(00) 而非斷絕示有作 智慧境界不可見
 T11n0310_p0388b18(00) 如是世尊教法中 我等於此皆悉知
 T11n0310_p0388b19(00) 其心清淨無垢穢 皆得遠離諸疑惑
 T11n0310_p0388b20(00) 以斯即為上供養 供養堪受勝供者
 T11n0310_p0388b21(00) 是故妙智無倫匹 我今悉得修供養
 T11n0310_p0388b22(00) 世間解者說五根 出世能趣解脫道
 T11n0310_p0388b23(00) 慎莫放逸常勤修 是為趣向涅槃路
 T11n0310_p0388b24(00) 無根及以修根者 亦無解脫及脫者
 T11n0310_p0388b25(00) 我等於此悉無疑 是故今得供養佛
 T11n0310_p0388b26(00) 導師所說五種力 非邪能趣涅槃城
 T11n0310_p0388b27(00) 此能盡滅煩惱縛 令諸縛者得解脫
 T11n0310_p0388b28(00) 彼諸力體性自空 煩惱及佛皆亦無
 T11n0310_p0388b29(00) 我等於此無疑慮 是故今得供如來
 T11n0310_p0388c01(00) 大仙所說七種善 菩提分法最勝道
 T11n0310_p0388c02(00) 能解一切眾生縛 趣向涅槃大正路
 T11n0310_p0388c03(00) 無有繫縛及解脫 亦無受縛得脫者
 T11n0310_p0388c04(00) 我等於斯無疑惑 是故今得供養佛
 T11n0310_p0388c05(00) 世尊說此八正路 顯示一切諸群生
 T11n0310_p0388c06(00) 是諸煩惱苦之本 修學聖道能斷除
 T11n0310_p0388c07(00) 斯等二法離對治 所謂聖路及煩惱
 T11n0310_p0388c08(00) 諸天於此悉無疑 故今供養應供者
 T11n0310_p0388c09(00) 修奢摩他及舍那 斯道能盡諸苦邊
 T11n0310_p0388c10(00) 令受諸苦習氣垢 世尊曠劫已蕩除
 T11n0310_p0388c11(00) 奢摩他及舍那果 是等一切皆悉空
 T11n0310_p0388c12(00) 天眾於此離疑網 是故我等今供養
 T11n0310_p0388c13(00) 佛說不淨治貪欲 慈心對治於瞋恚
 T11n0310_p0388c14(00) 毘婆舍那癡對治 如來顯示諸眾生
 T11n0310_p0388c15(00) 斯皆無作無暫停 是故無垢亦無淨
 T11n0310_p0388c16(00) 我等於是悉無疑 常樂供養大導師
 T11n0310_p0388c17(00) 如來所說十不善 斯等名之為業道
 T11n0310_p0388c18(00) 殺生偷盜及邪淫 妄語兩舌與惡口
 T11n0310_p0388c19(00) 綺語貪欲及瞋恚 最後第十名邪見
 T11n0310_p0388c20(00) 佛說此等為不善 是諸眾生惡業道
 T11n0310_p0388c21(00) 既無眾生亦無害 自餘九業亦如是
 T11n0310_p0388c22(00) 無有對治諸善惡 以彼自性空寂故
 T11n0310_p0388c23(00) 然復非無十力教 以其不壞法體性
 T11n0310_p0388c24(00) 我於佛慧亦不疑 是故今供無上智
 T11n0310_p0388c25(00) 若有修此如來法 是人即為真佛子
 T11n0310_p0388c26(00) 彼人處處皆受樂 恒常遠離諸苦惱
 T11n0310_p0388c27(00) 如是善逝勝智慧 安隱引導諸群生
 T11n0310_p0388c28(00) 我等於此離疑心 今悉供養應供者

Edited 2 time(s). Last edit at 01/24/2013 07:04PM by gustav.